

ОСНОВНЫЕ ТЕКСТЫ СЛУЖБЫ И ПЕСНОПЕНИЯ ДЛЯ ОБЩЕНАРОДНОГО ПЕНИЯ

Неделя 5-я по Пасхе, глас 4. **О САМАРЯНИНЕ**

ВСЕНОЩНОЕ БДЕНИЕ

БЛАЖЕН МУЖ, иже не иде на совет нечестивых.

Аллилуиа, Аллилуиа, Аллилуиа.

Яко весть Господь путь праведных и путь нечестивых погибнет.

Аллилуиа (трижды)

Работайте Господеви со страхом и радуйтесь Ему с трепетом.

Аллилуиа (трижды)

Блажени вси надеющиеся нань.

Аллилуиа (трижды)

Воскресни, Господи, спаси мя, Боже мой.

Аллилуиа (трижды)

Господне есть спасение и на людех Твоих благословение Твое.

Аллилуиа (трижды)

СЛАВА, И НЫНЕ: Аллилуиа (трижды)

Аллилуиа, Аллилуиа, Аллилуиа. СЛАВА ТЕБЕ, БОЖЕ (трижды)

ГОСПОДИ, ВОЗВРАХ К ТЕБЕ, услыши мя./ Услыши мя, Господи.

Господи, возврах к Тебе, услыши мя:/ вонми гласу моления моего,/ внегда возвати ми к Тебе./ Услыши мя, Господи.

Да исправится молитва моя,/ яко кадило пред Тобою,/ воздеяние рук моею – жертва вечерняя./ Услыши мя, Господи.

Изведи из темницы душу мою,/ исповедатися имени Твоему. [СТИХИРЫ ВОСКРЕСНЫЕ, ГЛАС 4]:

Животворящему Твоему Кресту,/ непрестанно кланяющееся, Христэ Божэ,/ тридневное Воскресение Твое славим:/ тем бо обновил еси истлевшее человеческое естество, Всесильне,/ и иже на небесах восход обновил еси нам,/ яко Един Благ и Человеколюбец.

Менé ждут праведницы,/ дондеже воздаси мне.

Древа преслушания запрещение/ разрешил еси, Спасе,/ на древе крестнем волею пригвоздився,/ и во ад сошед, Сильне,/ смертныя узы, яко Бог, растерзал еси./ Темже кланяемся еже из мертвых Твоему Воскресению,/ радостию вопиюще:/ Всесильне Господи, слава Тебе.

Из глубины возврах к Тебе, Господи,/ Господи, услыши глас мой.

Врата ада сокрушил еси, Господи,/ и Твоею смертию смертное царство разрушил еси:/ род же человеческий от истления свободил еси,/ живот и нетление миру даровав,/ и велию милость.

Да будут уши Твои/ внимлюще гласу моления моего.

Приидите, воспойм людие,/ спасово тридневное востание,/ имже избавихомся адовых нерешимых уз:/ и нетление и жизнь вси восприяхом зовуще:/ распныйся, и погребыйся, и воскресый,/ спаси ны Воскресением Твоим,/ Единые Человеколюбче.

Глас 4: **Аще беззакония назириши, Господи, Господи, кто постоит?// Яко у Тебе очищение есть.**

[СТИХИРЫ ПРЕПОЛОВЕНИЯ ПЯТИДЕСЯТНИЦЫ]:

Наста преполовление дней,/ от спасительного начинаемых востания,/ Пятидесятницею же Божественною печатаемое,/ и светится светлости обоюдо имущее, и соединяющее обою,/ и приити славе предъявляющее,/ Владычняго Вознесения предпочитает.

Имене ради Твоего потерпех Тя, Господи, потерпé душá моя в слово Твое,/ уповá душá моя на Господа.

Слыша и возвеселися Сион,/ благовестившуся Христову Воскресению:/ вернии же его сынове возрадовашася сего видевше,/ и омывающа Духом скверну христуубийства:/ готóвится торжествующи,/ обоих веселое преполовление.

От стражи утрения до нощи, от стражи утрения,/ да уповаёт Израиль на Господа

Приблизися Божественнаго изобильное излитие на всех,/ якоже написася, Духа: предузаконение проповедует преполовившееся,/ по Христове смерти и погребении и Воскресении,/ от него данну сущу учеником, неложному обещанию,/ утешителево показующу явление.

Глас 1: **Яко у Господа милость, и многое у Него избавление,/ и Той избавит Израиля от всех беззаконий его.**

[СТИХИРЫ ТРИОДИ, О САМАРЯНИНЕ]:

На источник прише́л еси,/ источниче чудес, в шестый час,/ Евин уловити плод:/ Ева бо в той избе из рая, прелестию змиевою./ Приблизь бо ся самарянина почерпсти воду,/ юже виде́в рече́ Спас:/ даждь ми воду́ пити,/ и аз воды́ теку́щая насыщу́ тя./ И во град те́кши целомудренна́я,/ наро́дом возвестí а́бие:/ приидите ви́дите Христа́ Го́спода,/ Спа́са душ на́ших.

Глас 2: **Хвалите Господа вси языцы,/ похвалите Его́ вси лю́дие.**

На студенéц яко прииде́ Госпо́дь,/ самарянина моляше Благоутро́бнаго:/ пода́ждь ми во́ду ве́ры,/ и прииму́ купельныя во́ды,/ ра́дование и изба́вление./ Животода́вче Го́споди, сла́ва Тебе́.

Не используйте листы с богослужебными текстами в хозяйственных нуждах.

Яко утвердися милость Его на нас// и истина Господня пребывает во век.

СОБЕЗНАЧАЛЬНЫЙ И СОПРИСНОСУЩНЫЙ СЫН И СЛОВО ОТЧЕЕ,/ НА ИСТОЧНИК ПРИЙДЕ, ИСТОЧНИК ИСЦЕЛЕНИЙ,/ И ЖЕНА ОТ САМАРИИ ПРИЙДЕ ПОЧЕРПСТИ ВОДУ./ ЮЖЕ ВИДЕВ РЕЧЕ СПАС:/ ДАЖДЬ МИ ВОДУ ПИТИ,/ И ШЕДШИ ПРИГЛАСИ ТВОЕГО МУЖА./ ОНА ЖЕ ЯКО ЧЕЛОВЕКУ ГЛАГОЛЮЩИ, А НЕ БОГУ,/ УТАЙТИ ТЩАШЕСЯ,/ ГЛАГОЛАШЕ: НЕ ИМАМ МУЖА./ И УЧИТЕЛЬ К НЕЙ:/ ИСТИНУ РЕКЛА ЕСИ, НЕ ИМАМ МУЖА:/ ПЯТЬ БО ИМЕЛА ЕСИ, И НЫНЕ ЕГОЖЕ ИМАШИ, НЕСТЬ ТВОЙ МУЖ./ ОНА ЖЕ О ГЛАГОЛЕ УДИВИВШИСЯ,/ И ВО ГРАД ТЕКШИ, НАРОДОМ ВОПИЯШЕ, ГЛАГОЛЮЩИ:/ ПРИИДИТЕ ВИДИТЕ ХРИСТА,/ ИЖЕ ДАРУЕТ МИРОВИ ВЕЛИЮ МИЛОСТЬ.

Слава Отцу и Сыну и Святому Духу.

[СТИХИРА ТРИОДИ, ГЛАС 6]:

ПРИ СТУДЕНЦЕ ИАКОВЛИ/ ОБРЕТ ИИСУС САМАРЯНИНЮ,/ ПРОСИТ ВОДУ ОТ НЕЯ,/ ОБЛАКАМИ ПОКРЫВАЯЙ ЗЕМЛЮ./ О ЧУДЕСЕ! ИЖЕ ХЕРУВИМЫ НОСИМЫЙ,/ БЛУДНИЦЕ ЖЕНЕ БЕСЕДОВАШЕ,/ ВОДУ ПРОСЯ, ИЖЕ НА ВОДАХ ЗЕМЛЮ ПОВЕСИВЫЙ./ ВОДЫ ИСКИЙ, ИЖЕ ИСТОЧНИКИ И ЕЗЕРА ВОД ИЗЛИВАЯЙ,/ ХОТЯ ПРИВЛЕЩИ СИЮ ВОИСТИННУ,/ УЛОВЛЯЕМУ ОТ СОПОСТАТА ВРАГА,/ И НАПОИТИ Ю ВОДОЮ ЖИВОЮ,/ ПАЛИМУЮ В БЕЗМЕСТИИХ ЛЮТЕ,/ ЯКО ЕДИН БЛАГОУТРОБНЫЙ И ЧЕЛОВЕКОЛЮБЕЦ.

И ныне и присно и во веки веков. Аминь.

[ДОГМАТИК, ГЛАС 4]:

ИЖЕ ТЕБЕ РАДИ, БОГООТЕЦ ПРОРОК ДАВИД,/ ПЕСНЕННО О ТЕБЕ ПРОВОЗГЛАСИ,/ ВЕЛИЧИЯ ТЕБЕ СОТВОРШЕМУ:/ ПРЕДСТА ЦАРИЦА ОДЕСНЮ ТЕБЕ./ ТЯ БО МАТЕРЬ, ХОДАТАИЦУ ЖИВОТА ПОКАЗА,/ БЕЗ ОТЦА ИЗ ТЕБЕ ВОЧЕЛОВЕЧИТСЯ БЛАГОВОЛИВЫЙ БОГ:/ ДА СВОЙ ПАКИ ОБНОВИТ ОБРАЗ, ИСТЛЕВШИЙ СТРАСТЬМИ,/ И ЗАБЛУЖДШЕЕ ГОРОХИЩНОЕ ОБРЕТ ОВЧА,/ НА РАМО ВОСПРИИМ, КО ОТЦУ ПРИНЕСЕТ,/ И СВОЕМУ ХОТЕНИЮ, С НЕБЕСНЫМИ СОВОКУПИТ СИЛАМИ,/ И СПАСЕТ БОГОРОДИЦЕ МИР,/ ХРИСТОС ИМЕЯЙ ВЕЛИЮ И БОГАТУЮ МИЛОСТЬ.

СВЕТЕ ТИХИЙ святых славы БЕЗСМЕРТНОГО ОТЦА НЕБЕСНОГО, СЯТАГО, БЛАЖЕННОГО, ИИСУСЕ ХРИСТЕ! ПРИШЕДШЕ НА ЗАПАД СОЛНЦА, ВИДЕВШЕ СВЕТ ВЕЧЕРНИЙ, ПОЕМ ОТЦА, СЫНА И СЯТАГО ДУХА, БОГА. ДОСТОИН ЕСИ ВО ВСЯ ВРЕМЕНА ПЕТ БЫТИ ГЛАСЫ ПРЕПОДОБНЫМИ, СЫНЕ БОЖИЙ, ЖИВОТ ДАЙ; ТЕМЖЕ МИР ТЯ СЛАВИТ.

СПОДОБИ, ГОСПОДИ, В ВЕЧЕР СЕЙ БЕЗ ГРЕХА СОХРАНИТСЯ НАМ. БЛАГОСЛОВЕН ЕСИ, ГОСПОДИ, БОЖЕ ОТЕЦ НАШИХ, И ХВАЛЬНО И ПРОСЛАВЛЕНО ИМЯ ТВОЕ ВО ВЕКИ. АМИНЬ.

БУДИ, ГОСПОДИ, МИЛОСТЬ ТВОЯ НА НАС, ЯКОЖЕ УПОВАХОМ НА ТЯ. БЛАГОСЛОВЕН ЕСИ, ГОСПОДИ, НАУЧИ МЯ ОПРАВДАНИЕМ ТВОИМ. БЛАГОСЛОВЕН ЕСИ, ВЛАДЫКО, ВРАЗУМИ МЯ ОПРАВДАНИЕМ ТВОИМ. БЛАГОСЛОВЕН ЕСИ, СЯТЫЙ, ПРОСВЕТИ МЯ ОПРАВДАНИИ ТВОИМИ.

ГОСПОДИ, МИЛОСТЬ ТВОЯ ВО ВЕК, ДЕЛ РУКУ ТВОЕЮ НЕ ПРЕЗРИ. ТЕБЕ ПОДОБАЕТ ХВАЛА, ТЕБЕ ПОДОБАЕТ ПЕНИЕ, ТЕБЕ СЛАВА ПОДОБАЕТ. ОТЦУ И СЫНУ И СЯТОМУ ДУХУ, НЫНЕ И ПРИСНО И ВО ВЕКИ ВЕКОВ. АМИНЬ.

[СТИХИРЫ НА СТИХОВНЕ:]

Глас 4: **ГОСПОДИ, ВОСШЕД НА КРЕСТ**, / ПРАДЕДНЮЮ НАШУ КЛЯТВУ ПОТРЕБИЛ ЕСИ,/ И СОШЕД ВО АД,/ ВЕЧНЫЯ УЗНИКИ СВОБОДИЛ ЕСИ,/ НЕТЛЕНИЕ ДАРУЯ ЧЕЛОВЕЧЕСКОМУ РОДУ,/ СЕГО РАДИ ПОЮЩЕ СЛАВИМ// ЖИВОТВОРЯЩЕЕ И СПАСИТЕЛЬНОЕ ТВОЕ ВОСТАНИЕ.

Глас 5: **Да воскреснет Бог,/ и расточатся врази Его.**

[СТИХИРЫ ПАСХИ]:

ПАСХА/ СВЯЩЕННАЯ НАМ ДНЕСЬ ПОКАЗАСЯ;/ ПАСХА НОВА СЯТАЯ;/ ПАСХА ТАИНСТВЕННАЯ;/ ПАСХА ВСЕЧЕСТНАЯ./ ПАСХА ХРИСТОС ИЗБАВИТЕЛЬ;/ ПАСХА НЕПОРОЧНАЯ;/ ПАСХА ВЕЛИКАЯ;/ ПАСХА ВЕРНЫХ./ ПАСХА ДВЕРИ РАЙСКИЯ НАМ ОТВЕРЗАЮЩАЯ./ ПАСХА ВСЕХ ОСВЯЩАЮЩАЯ ВЕРНЫХ.

Яко исчезает дым,/ да исчезнут.

ПРИИДИТЕ/ ОТ ВИДЕНИЯ ЖЕНЫ БЛАГОВЕСТИЦЫ,/ И СИОНУ РЦЬТЕ:/ ПРИИМИ/ ОТ НАС РАДОСТИ БЛАГОВЕЩЕНИЯ, ВОСКРЕСЕНИЯ ХРИСТОВА:/ КРАСУЙСЯ, ЛИКУЙ/ И РАДУЙСЯ, ИЕРУСАЛИМЕ,/ ЦАРЯ ХРИСТА УЗРЕВ ИЗ ГРОБА,/ ЯКО ЖЕНИХА ПРОИСХОДЯЩА.

Тако да погибнут грешницы от Лица Божия,/ а праведницы да возвеселятся.

МИРОНОСИЦЫ ЖЕНЫ,/ УТРУ ГЛУБОКУ,/ ПРЕДСТАВША ГРОБУ ЖИВОДАВЦА,/ ОБРЕТОША АНГЕЛА/ НА КАМЕНИ СЕДЯЩА,/ И ТОЙ ПРОВЕЩАВ ИМ,/ СИЦЕ ГЛАГОЛАШЕ:/ ЧТО ИЩЕТЕ ЖИВАГО С МЕРТВЫМИ;/ ЧТО ПЛАЧЕТЕ НЕТЛЕННОГО ВО ТЛИ?// ШЕДШЕ, ПРОПОВЕДИТЕ УЧЕНИКОМ ЕГО.

Сей день, егоже сотвори Господь,/ возрадуемся и возвеселимся в оны.

ПАСХА КРАСНАЯ,/ ПАСХА, ГОСПОДНЯ ПАСХА!/ ПАСХА ВСЕЧЕСТНАЯ/ НАМ ВОЗСИЯ. ПАСХА,/ РАДОСТИЮ ДРУГ ДРУГА ОБЫИМ./ О ПАСХА!/ ИЗБАВЛЕНИЕ СКОРБИ,/ ИБО ИЗ ГРОБА ДНЕСЬ,/ ЯКО ОТ ЧЕРТОГА/ ВОЗСИЯВ ХРИСТОС,/ ЖЕНЫ РАДОСТИ ИСПОЛНИ, ГЛАГОЛЯ:/ ПРОПОВЕДИТЕ АПОСТОЛОМ.

Слава Отцу и Сыну и Святому Духу.

[СТИХИРЫ ТРИОДИ, О САМАРЯНИНЕ, ГЛАС 8]:

ЕГДА ЯВИЛСЯ ЕСИ ВО ПЛОТИ, ХРИСТЕ БОЖЕ,/ ЗА НЕИЗРЕЧЕННОЕ СМОТРЕНИЕ,/ СЛЫШАВШИ САМАРЯНИНА СЛОВО ТЕБЕ, ЧЕЛОВЕКОЛЮБЦА,/ ОСТАВИ ПОЧЕРПАЛО У СТУДЕНЦА,/ И ТЕЧЕ ГЛАГОЛЮЩИ СУЩИМ ВО ГРАДЕ:/ ПРИИДИТЕ ВИДИТЕ СЕРДЦЕВЕДЦА,/ ЕДА СЕЙ ЕСТЬ ЧАЕМЫЙ ХРИСТОС,/ ИМЕЯЙ ВЕЛИЮ МИЛОСТЬ.

Не используйте листы с богослужебными текстами в хозяйственных нуждах.

И ны́не и прѣсно и во ве́ки веко́в. Ами́нь.

[СТИХИРА ПАСХИ, ГЛАС 5]:

ВОСКРЕСѢНІЯ ДЕНЬ,/ И ПРОСВЕТѢМСЯ ТОРЖЕСТВОМ,/ И ДРУГ ДРУГА ОБЫМЕМ./ РЦЕМ БРА́ТИЕ,/ И НЕНАВѢДЯЩИМ НАС,/ ПРОСТѢМ ВСЯ ВОСКРЕСѢНІЕМ,/ И ТАКО ВОЗОПИИМ:/ ХРИСТО́С ВОСКРЕ́СЕ ИЗ МѢРТВЫХ,/ СМѢРТИЮ СМЕРТЬ ПОПРА́В,// И СЪЩИМ ВО ГРОБѢХ ЖИВО́Т ДАРОВА́В.

НЫ́НЕ ОТПУЩА́ЕШИ РАБА́ ТВОЕГО́, Влады́ко,/ по глаго́лу ТВОЕМО́У, с мі́ром;/ я́ко ви́деста о́чи мой СПАСѢ́НІЕ ТВОѢ́,/ Е́ЖЕ ЕСИ́ УГОТОВА́Л ПРѢД ЛИЦѢ́М ВСЕХ ЛЮДЕ́Й,/ СВЕТ ВО ОТКРОВѢ́НІЕ ЯЗЫ́КОВ,// И СЛА́ВУ ЛЮДЕ́Й ТВОИ́Х ИЗРА́ИЛЯ.

БОГОРО́ДИЦЕ ДѢ́ВО, РА́ДУЙСЯ,/ Благода́тная МА́РІЕ, Госпо́дь с Тобо́ю:/ БЛАГОСЛОВѢ́НА ТЫ В ЖЕНА́Х/ И БЛАГОСЛОВѢ́Н ПЛОД ЧРѢ́ВА ТВОЕГО́,// я́ко СПА́СА РОДИЛА́ ЕСИ́ ДУШ НА́ШИХ. (трижды)

КОНЕЦ ВЕЧЕРНИ. НАЧАЛО УТРЕНИ

(выключается свет, читается шестопсалмие: 3, 37, 62, 87, 102, 142 псалмы)

БОГ ГОСПОДЬ, И ЯВИСЯ НАМ, БЛАГОСЛОВЕН ГРЯДЫЙ ВО ИМЯ ГОСПОДНЕ

ТРОПАРЬ ВОСКРЕСНЬИЙ, ГЛАС 4 (дважды):

СВѢТЛУЮ ВОСКРЕСѢ́НІЯ ПРО́ПОВЕДЬ/ ОТ А́НГЕЛА УВѢ́ДЕВША ГОСПО́ДНИ УЧЕНИ́ЦЫ/ И ПРА́ДЕДНЕЕ ОСУЖДЕ́НІЕ ОТВѢ́РГША,/ АПО́СТОЛОМ ХВА́ЛЯЩАСЯ ГЛАГО́ЛАХУ:/ ИСПРОВѢ́РЖЕСЯ СМЕРТЬ,/ ВОСКРЕ́СЕ ХРИСТО́С БОГ,// ДА́РУЯЙ МІ́РОВИ ВЕ́ЛИКУ МІ́ЛОСТЬ.

ТРОПАРЬ ПРЕПОЛОВЕНИЯ, ГЛАС 8:

ПРЕПОЛОВѢ́ВШУСЯ ПРА́ЗДНИКУ,/ ЖА́ЖДУЩУЮ ДУ́ШУ МОЮ́ БЛАГОЧѢ́СТІЯ НАПО́Й ВОДА́МИ,/ я́ко ВСЕМ, СПА́СЕ, ВОЗОПѢ́Л ЕСИ́:/ ЖА́ЖДАЙ ДА ГРЯДЕ́Т КО МНЕ́ И ДА ПІ́ЕТ.// ИСТО́ЧНИЧЕ ЖІ́ЗНИ НА́ШЕЯ, ХРИСТЕ́ БО́ЖЕ, СЛА́ВА ТЕБѢ́.

...ДАЛЕЕ ЧИТАЮТСЯ КАФИЗМЫ...

(по уставу положено читать 2 кафизмы, но в разных храмах в зависимости от традиции, чтение псалтири может быть сокращено до нескольких псалмов или вовсе пропущено)

ТРОПАРИ «ПО НЕПОРОЧНЫХ», ГЛАС 5:

Благословен еси, Господи, научи мя оправданием Твоим.

АНГЕЛЬСКИЙ СОБОР УДИВИСЯ, / ЗРЯ ТЕБЕ В МЕРТВЫХ ВМЕНИВШАСЯ, / СМЕРТНУЮ ЖЕ, СПАСЕ, КРЕПОСТЬ РАЗОРИВША, / И С СОБОЮ АДАМА ВОЗДВИГША, / И ОТ АДА ВСЯ СВОБОЖДША.

Благословен еси, Господи, научи мя оправданием Твоим.

ПОЧТО МУРА С МИЛОСТИВНЫМИ СЛЕЗАМИ, / О УЧЕНИЦЫ, РАСТВОРЯЕТЕ? / БЛИСТАЯЙСЯ ВО ГРОБЕ АНГЕЛ МУРОНОСИЦАМ ВЕЩАШЕ: / ВИДИТЕ ВЫ ГРОБ И УРАЗУМЕЙТЕ, / СПАС БО ВОСКРЕСЕ ОТ ГРОБА.

Благословен еси, Господи, научи мя оправданием Твоим.

ЗЕЛО РАНО МУРОНОСИЦЫ ТЕЧАХУ / КО ГРОБУ ТВОЕМОУ РЫДАЮЩИЯ, / НО ПРЕСТА К НИМ АНГЕЛ И РЕЧЕ: / РЫДАНИЯ ВРЕМЯ ПРЕСТА, НЕ ПЛАЧИТЕ, / ВОСКРЕСЕНИЕ ЖЕ АПОСТОЛОМ РЦЫТЕ.

Благословен еси, Господи, научи мя оправданием Твоим.

МУРОНОСИЦЫ ЖЕНЫ С МУРЫ ПРИШЕДШИЯ / КО ГРОБУ ТВОЕМОУ, СПАСЕ, РЫДАХУ, / АНГЕЛ ЖЕ К НИМ РЕЧЕ, ГЛАГОЛЯ: / ЧТО С МЕРТВЫМИ ЖИВАГО ПОМЫШЛЯЕТЕ? / ЯКО БОГ БО, ВОСКРЕСЕ ОТ ГРОБА.

СЛАВА: ПОКЛОНИМСЯ ОTCY / И ЕГО СЫНОВИ, И СВЯТОМУ ДУХУ, / СВЯТЕЙ ТРОИЦЕ ВО ЕДИНОМ СУЩЕСТВЕ, / С СЕРАФИМЫ ЗОВУЩЕ: / СВЯТ, СВЯТ, СВЯТ ЕСИ, ГОСПОДИ.

И НЫ́НЕ: ЖИЗНОДАВЦА РОЖДШИ, / ГРЕХА, ДЕВО, АДАМА ИЗБАВИЛА ЕСИ, / РАДОСТЬ ЖЕ ЕВЕ / В ПЕЧАЛИ МЕСТО ПОДАЛА ЕСИ, / ПАДШИЯ ЖЕ ОТ ЖИЗНИ / К СЕИ НАПРАВИ / ИЗ ТЕБЕ ВОПЛОТИВЫЙСЯ БОГ И ЧЕЛОВЕК.

ПРОКИМЕН, ГЛАС 4: Воскресни́, Го́споди, помо́зи нам/ и изба́ви нас и́мене Твоего́ ра́ди.

Стих: Бо́же, ушѣ́ма на́шими услы́шахом, и отцѣ́и на́ши возвестѣ́ша нам.

ЕВАНГЕЛИЕ ОТ ИОАННА (7-Е, гл.20:1-10) — перевод на русский язык

В то время, в первый же день недели Мария Магдалина приходит ко гробу рано, когда было еще темно, и видит, что камень отвален от гроба. Итак, бежит и приходит к Симону Петру и к другому ученику, которого любил Иисус, и говорит им: унесли Господа из гроба, и не знаем, где положили Его. Тотчас вышел Петр и другой ученик, и пошли ко гробу. Они побежали оба вместе; но другой ученик бежал скорее Петра, и пришел ко гробу первый. И, наклонившись, увидел лежащие пелены; но не вошел во гроб. Вслед за ним приходит Симон Петр, и входит во гроб, и видит одни пелены лежащие, и плат, который был на главе Его, не с пеленами лежащий, но особо свитый на другом месте. Тогда вошел и другой ученик, прежде пришедший ко гробу, и увидел, и уверовал. Ибо они еще не знали из Писания, что Ему надлежало воскреснуть из мертвых. Итак ученики опять возвратились к себе.

Не используйте листы с богослужебными текстами в хозяйственных нуждах.

ВОСКРЕСЕНИЕ ХРИСТОВО ВІДЕВШЕ, поклонімся Святому Господу Иисусу, единому безгрешному. Кресту Твоему покланяемся, Христе, и святое Воскресение Твое поём и славим. Ты бо еси Бог наш, разве Тебе иного не знаем, Имя Твое именуем. Приидите, вси вернии, поклонимся святому Христову Воскресению; се бо прииде Крестом радость всему миру; всегда благословяще Господа, поём Воскресение Его, распятие бо претерпёв, смертью смерть разруши. *(трижды)*

СЛАВА: Молитвами апостолов, / Милостиве, очисти// множество согрешений наших.

И НЫНЕ: Молитвами Богородицы, / Милостиве, очисти// множество согрешений наших.

Помилуй мя, Боже, / по велицей милости Твоей, / и по множеству щедрот Твоих// очисти беззаконие моё.

Воскрес Иисус от гроба, / якоже прорече, / даде нам живот вечный// и вѣлию милость.

...ДАЛЕЕ ЧИТАЕТСЯ КАНОН ПРАЗДНИКА...

Во время помазания прихожан елеем читаются и поются каноны Пасхи, Преполовления Пятидесятницы и Недели о Самаряныне, в которых раскрывается смысл и красота празднуемых сегодня Церковью событий.

СТИХИРЫ НА ХВАЛИТЕХ [ВОСКРЕСНЫЕ, ГЛАС 4]:

ВСЯКОЕ ДЫХАНИЕ ДА ХВАЛИТ ГОСПОДА.

Хвалите Господа с небес, / хвалите Его в вышних.// Тебѣ подобает песнь Богу.

Хвалите Его вси ангели Его, / хвалите Его вся силы Его.// Тебѣ подобает песнь Богу.

Сотвори в них суд написан: / слава сия будет всем преподобным Его.

Крест претерпёвый и смерть, / и воскресый из мёртвых, Всесильне Господи, // славим Твоё Воскресение.

Хвалите Бога во святых Его, / хвалите Его в утверждении силы Его.

Крестом Твоим, Христѣ, / от древня клятвы свободил еси нас, / и смертью Твоею / естество наше мучащаго диавола упразднил еси: / востанием же Твоим радости вся исполнил еси. / Темже вопиём Ти: // воскресый из мёртвых, Господи, слава Тебѣ.

Хвалите Его на силах Его, / хвалите Его по множеству величества Его.

Твоим Крестом, Христѣ спасе, / настави нас на истину Твою, / и избави нас от сетей вражиих, / воскресый из мёртвых, / возстави ны падшыяся грехом, / простер руку Твою, Человеколюбче Господи, // молитвами святых Твоих.

Хвалите Его во гласе трубнем, / хвалите Его во псалтири и гуслех.

Отческих Твоих недр не разлучився, / Единородный Слове Божий, / пришёл еси на землю за человеколюбие, / человек быв непреложен, / и крест и смерть претерпел еси плотию, / безстрастный Божеством: / воскрес же из мёртвых, / безсмертие подал еси роду человеческому, // яко Един Всесильен.

Хвалите Его в тимпане и лице, / хвалите Его во струнах и органе.

Смерть приял еси плотию, / нам безсмертие ходатайствуя, спасе, / и во гроб вселился еси, / да нас от ада свободиши, воскресив с собою: / пострада убо яко человек, / но воскрес, яко Бог. / Сего ради вопиём: / слава Тебѣ, Жизнодавче Господи, // Едине Человеколюбче.

Хвалите Его в кимвалех dobroгласных, хвалите Его в кимвалех восклицания, / Всякое дыхание да хвалит Господа.

Камень распадашеся, спасе, / егда на лобнем Крест Твой водрузишя, / устрашишася адовы вратницы, / егда во гробе яко мертв положен был еси: / ибо смертную упразднилъ крѣпость, / умершим всем нетление подал еси воскресением Твоим, спасе, // Жизнодавче Господи, слава Тебѣ.

Глас 3: Наляцы, и успевай, и царствуй истины ради, и кротости, и правды.

[СТИХИРЫ О САМАРЯНИНЕ]:

Да радуется днесь небо и земля, / яко Христос явился воплощаемъ яко человек, / да Адама измет от клятвы всеродна, / и удивляется чудесы в Самарію пришед: / жены же беседоваше воды прося, / Иже облаки водами одевай. / Темже вси вернии поклонимся, / нас ради волею Обнищавшему, // благоутробным советом.

Глас 6: Возлюбил еси правду, и возненавидел еси беззаконие.

Тако глаголет Господь Самаряныни: / аще бы еси ведала дар Божий, / и Кто есть глаголяй Тебѣ, даждь Ми воды пити, / ты бы просила у Него, и дал бы ти пити, // да не вжаждеши во веки, глаголет Господь.

Слава Отцу и Сыну и Святому Духу.

Источник живоначалия Иисус Спас наш, / ко источнику пришед патриарха Иакова, / пити прошаше воды от жены Самаряныни. / Сей же неприобщительное иудеом прирѣкшей, / мудрый Зиждитель приводит ю, сладкими глаголы, / паче к прошению приносящих воды, / юже и приими всем проповѣда рекущи: / приидите, видите сокровенных видца и Бога, // пришедшаго плотию, за еже спасти человека.

И ныне и присно и во веки веков. Аминь.

[ГЛАС 2]:

Преблагословенна еси, Богородице Дево, / Воплощшим бо ся из Тебѣ ад пленися, / Адам воззвася, / клятва потребися, / Ева свободися, / смерть умертвися, и мы ожихом. / Тем воспевающе вопиём: / благословен Христос Бог, // благоволивый тако, слава Тебѣ.